

IV

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-36756-13/17
26. decembra 2017. godine
Sarajevo

Premijer
Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka) i člana 146., a u vezi sa članom 178. stav (7) Zakona o srednjem obrazovanju ("Službene novine Kantona Sarajevo", broj 23/17), Vlada Kantona Sarajevo, na 107. sjednici održanoj 26.12.2017. godine, donijela je

ODLUKU

**O DAVANJU SAGLASNOSTI ZA IMENOVANJE
DIREKTORA JAVNE USTANOVE SREDNJOŠKOLSKI
CENTAR VOGOŠĆA**

I

Daje se saglasnost Školskom odboru Javne ustanove Srednjoškolski centar Vogošća, da se Poljo Said, dipl. maš. ing., imenuje za direktora Škole.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-36756-14/17
26. decembra 2017. godine
Sarajevo

Premijer
Elmedin Konaković, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka) i člana 79. stav (1) Zakona o turizmu ("Službene novine Kantona Sarajevo", br. 19/16, 31/17 i 34/17 - Ispravka), Vlada Kantona Sarajevo, na 107. sjednici održanoj 26.12.2017. godine, donijela je

ODLUKU

**O VISINI BORAVIŠNE TAKSE NA PODRUČJU
KANTONA SARAJEVO ZA 2018. GODINU**

Član 1.
(Predmet)

Ovom odlukom utvrđuje se visina boravišne takse na području Kantona Sarajevo za 2018. godinu, obveznik uplate boravišne takse i način uplate boravišne takse.

Član 2.
(Visina boravišne takse)

- (1) Boravišna taksa za 2018. godinu iznosi 2,00 KM.
- (2) Dnevna boravišna taksa za 2018. godinu iznosi 1,00 KM.
- (3) Za fizička lica koja pružaju usluge smještaja u domaćinstvu i seoskom domaćinstvu utvrđuje se boravišna taksa u godišnjem paušalnom iznosu od 50,00 KM, za svaki krevet i smještajnu jedinicu, koja se koristi za pružanje usluga smještaja.

Član 3.
(Obveznik uplate boravišne takse)

Obveznik uplate boravišne takse Turističkoj zajednici Kantona Sarajevo (u daljem tekstu: Turistička zajednica) je:

- a) pravno ili fizičko lice koje pruža uslugu noćenja u smještajnom objektu u kojem se obavlja ugostiteljska djelatnost,
- b) putnička agencija organizator putovanja, koja plaća dnevnu boravišnu taksu po svakom grupnom dolasku turista u turističko mjesto bez noćenja,
- c) fizičko lice koje pruža uslugu smještaja u domaćinstvu i seoskom domaćinstvu.

Član 4.

(Način uplate boravišne takse)

- (1) Obveznik uplate boravišne takse iz člana 3. ove odluke uplaćuje naplaćenu boravišnu taksu na depozitni račun Kantona Sarajevo u skladu sa članom 82. stav (1) Zakona o turizmu ("Službene novine Kantona Sarajevo", br. 19/16, 31/17 i 34/17 - Ispravka).
- (2) Sredstva od boravišne takse iz stava (1) ovog člana koja su uplaćena na depozitni račun Kantona Sarajevo raspoređuju se na račun Turističke zajednice.

Član 5.

(Prestanak važenja ranije odluke)

Danom početka primjene ove odluke prestaje da važi Odluka o visini boravišne takse na području Kantona Sarajevo za 2017. godinu ("Službene novine Kantona Sarajevo", br. 6/17 i 46/17).

Član 6.

(Stupanje na snagu)

Ova Odluka stupa na snagu danom objavljivanja u "Službenim novinama Kantona Sarajevo", a primjenjuje se od 01.01.2018. godine.

Broj 02-05-36756-35/17
26. decembra 2017. godine
Sarajevo

Premijer
Elmedin Konaković, s. r.

Na osnovu člana 10. stav (3) Zakona o izvršavanju Budžeta Kantona Sarajevo za 2017. godinu ("Službene novine Kantona Sarajevo", broj 53/16 i 44/17) i tač. IV i V stav (2) Odluke o kriterijima za raspodjelu sredstava iz Tekuće rezerve Budžeta Kantona Sarajevo ("Službene novine Kantona Sarajevo", broj 18/09) i čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 107. sjednici održanoj 26.12.2017. godine, donijela je

ODLUKU

**O ODOBRAVANJU IZDVAJANJA SREDSTAVA IZ
TEKUĆE REZERVE BUDŽETA KANTONA SARAJEVO
ZA 2017. GODINU**

I

Iz Tekuće rezerve Budžeta Kantona Sarajevo za 2017. godinu ("Službene novine Kantona Sarajevo", broj 53/16 i 44/17), ekonomski kod 600000 odobrava se izdvajanje sredstava u iznosu 1.314.430 KM na ekonomski kod 614800-Drugi tekući rashodi (sudske presude), na ime isplate duga zaposlenicima Kantona Sarajevo sa kojima je zaključen Anex Ugovora iz 2015. godine i Anex I i Anex II Ugovora iz 2016. godine o vansudskoj nagodbi za potraživanja po pravosnažnim sudskim presudama.

Organizacioni kod	Naziv budžetskog korisnika	Iznos
11070001	Press služba Kantona Sarajevo	2.480,00
11090001	Kantonalna uprava za inspeksijske poslove	6.120,00
12020001	Općinski sud u Sarajevu	243.060,00
12020004	Kantonalni sud u Sarajevu	72.810,00
12030001	Kantonalno tužilaštvo Kantona Sarajevo	53.660,00
12050001	Pravobranilaštvo Kantona Sarajevo	9.570,00
13010001	Ministarstvo za boračka pitanja Kantona Sarajevo	5.740,00
13020001	Fond Kantona Sarajevo za izgradnju i očuvanje grobalja šehida i poginulih boraca, memorijalnih centara i spomen-obilježja žrtava genocida	3.260,00
17010001	Ministarstvo unutrašnjih poslova Kantona Sarajevo	56.320,00
18010001	Ministarstvo privrede Kantona Sarajevo	11.380,00
18020001	Uprava za šumarstvo	1.800,00
19010001	Ministarstvo finansija Kantona Sarajevo	16.190,00